

妙法蓮華經。授記品。第
六
爾時世尊。說是偈已。告
諸大眾。唱如是言。我此
弟子。摩訶迦葉。於未來
世。當得奉覲。三百万億。
諸仏世尊。供養恭敬。尊
重讚歎。広宣諸仏。無量
大法。於最後身。得成為
仏。名曰光明如來。応供。
正徧知。明行足。善逝。

世間解。無上士。調御丈
夫。天人師。仏。世尊。
国名光徳。劫名大莊嚴。
仏寿十二小劫。正法住世。
二十小劫。像法亦住。二
十小劫。国界嚴飾。無諸
穢惡。瓦礫荆棘。便利不
淨。其土平正。無有高下。
坑坎堆阜。瑠璃為地。宝
樹行列。黄金為繩。以界
道側。散諸宝華。周徧清

淨。其國菩薩。無量千億。
諸声聞衆。亦復無數。無
有魔事。雖有魔及魔民。
皆護佛法。爾時世尊。欲
重宣此義。而說偈言
告諸比丘 我以仏眼
見是迦葉 於未來世
過無數劫 當得作仏
而於來世 供養奉覲
三百万億 諸仏世尊
為仏智慧 淨修梵行

供養最上 二足尊已
修習一切 無上之慧
於最後身 得成為仏
其土清淨 瑠璃為地
多諸宝樹 行列道側
金繩界道 見者歡喜
常出好香 散衆名華
種種奇妙 以為莊嚴
其地平正 無有丘坑
諸菩薩衆 不可稱計
其心調柔 逮大神通

奉持諸仏 大乘經典
諸声聞衆 無漏後身
法王之子 亦不可計
乃以天眼 不能數知
其仏当寿 十二小劫
正法住世 二十小劫
像法亦住 二十小劫
光明世尊 其事如是
爾時大目犍連。須菩提。
摩訶迦旃延等。皆悉悚慄。
一心合掌。瞻仰世尊。目

不暫捨。即共同聲。而說
偈言

大雄猛世尊 諸釈之法王
哀愍我等故 而賜仏音聲
若知我深心 見為授記者
如以甘露灑 除熱得清涼
如從飢國來 忽遇大王膳
心猶懷疑懼 未敢即便食
若復得王教 然後乃敢食
我等亦如是 每惟小乘過
不知當云何 得仏無上慧

雖聞仏音声 言我等作仏
心尚懷憂懼 如未敢便食
若蒙仏授記 爾乃快安樂
大雄猛世尊 常欲安世間
願賜我等記 如飢須教食
爾時世尊。知諸大弟子。
心之所念。告諸比丘。是
須菩提。於當來世。奉覲
三百万億。那由佗仏。供
養恭敬。尊重讚歎。常修
梵行。具菩薩道。於最後

身。得成為仏。号曰名相
如来。応供。正徧知。明
行足。善逝。世間解。無
上士。調御丈夫。天人師。
仏。世尊。劫名有宝。国
名宝生。其土平正。頗黎
為地。宝樹莊嚴。無諸丘
坑。沙磧荆棘。便利之穢。
宝華覆地。周徧清淨。其
土人民。皆処宝臺。珍妙
樓閣。声聞弟子。無量無

邊。算數譬喻。所不能知。
諸菩薩衆。無數千萬億。
那由佗。仏壽十二小劫。
正法住世。二十小劫。像
法亦住。二十小劫。其仏
常處虛空。為衆說法。度
脫無量菩薩。及聲聞衆。
爾時世尊。欲重宣此義。
而說偈言
諸比丘衆 今告汝等
皆當一心 聽我所說

我大弟子 須菩提者
當得作佛 号曰名相
當供無數 万億諸佛
隨佛所行 漸具大道
最後身得 三十二相
端正姝妙 猶如宝山
其佛国土 嚴淨第一
衆生見者 無不愛樂
佛於其中 度無量衆
其佛法中 多諸菩薩
皆悉利根 轉不退輪

彼国常以 菩薩莊嚴
諸声聞衆 不可称数
皆得三明 具六神通
住八解脱 有大威德
其仏説法 現於無量
神通变化 不可思議
諸天人衆 数如恒沙
皆共合掌 聽受仏語
其仏当寿 十二小劫
正法住世 二十小劫
像法亦住 二十小劫

爾時世尊。復告諸比丘衆。
我今語汝。是大迦旃延。
於當來世。以諸供具。供
養奉事。八千億仏。恭敬
尊重。諸仏滅後。各起塔
廟。高千由旬。縱広正等。
五百由旬。以金銀。瑠璃。
磗磑。碼碯。真珠。玫瑰。
七宝合成。衆華瓔珞。塗
香。抹香。燒香。繪蓋。
幢旛。供養塔廟。過是已

後。當復供養。二萬億仏。
亦復如是。供養是諸仏已。
具菩薩道。當得作仏。号
曰閻浮那提金光如來。応
供。正徧知。明行足。善
逝。世間解。無上士。調
御丈夫。天人師。仏。世
尊。其土平正。頗黎為地。
宝樹莊嚴。黄金為繩。以
界道側。妙華覆地。周徧
清淨。見者歡喜。無四惡

道。地獄。餓鬼。畜生。
阿修羅道。多有天人。諸
聲聞衆。及諸菩薩。無量
萬億。莊嚴其國。仏壽十
二小劫。正法住世。二十
小劫。像法亦住。二十小
劫。爾時世尊。欲重宣此
義。而説偈言
諸比丘衆 皆一心聽
如我所説 真實無異
是迦旃延 當以種種

妙好供具 供養諸仏
諸仏滅後 起七寶塔
亦以華光 供養舍利
其最後身 得仏智慧
成等正覺 国土清淨
度脱無量 万億衆生
皆為十方 之所供養
仏之光明 無能勝者
其仏号曰 閻浮金光
菩薩声聞 断一切有
無量無数 莊嚴其国

爾時世尊。復告大眾。我
今語汝。是大目犍連。當
以種種供具。供養八千諸
仙。恭敬尊重。諸仙滅後。
各起塔廟。高千由旬。縱
広正等。五百由旬。以金
銀。瑠璃。砮磈。碼瑙。
真珠。玫瑰。七宝合成。
衆華瓔珞。塗香。抹香。
燒香。繒蓋。幢幡以用供
養。過是已後。當復供養。

二百万億諸仏。亦復如是。
當得成仏。号曰多摩羅跋
梅檀香如來。応供。正徧
知。明行足。善逝。世間
解。無上士。調御丈夫。
天人師。仏。世尊。劫名
喜滿。国名意樂。其土平
正。頗黎為地。宝樹莊嚴。
散真珠華。周徧清淨。見
者歡喜。多諸天人。菩薩
声聞。其数無量。仏寿二

十四小劫。正法住世。四
十小劫。像法亦住。四十
小劫。爾時世尊。欲重宣
此義。而說偈言

我此弟子 大目犍連

捨是身已 得見八千

二百万億 諸仏世尊

為仏道故 供養恭敬

於諸仏所 常修梵行

於無量劫 奉持仏法

諸仏滅後 起七宝塔

長表金刹
華香伎樂
而以供養
諸仏塔廟
漸漸具足
菩薩道已
於意樂国
而得作仏
号多摩羅
栴檀之香
其仏寿命
二十四劫
常為天人
演説仏道
声聞無量
如恒河沙
三明六通
有大威徳
菩薩無数
志固精進
於仏智慧
皆不退転

仏滅度後 正法當住
四十小劫 像法亦爾
我諸弟子 威德具足
其數五百 皆當授記
於未來世 咸得成仏
我及汝等 宿世因縁
吾今當説 汝等善聽